

Khri's Suangphum

CHURCH
of CHRIST
NEW DELHI

Suangphum lepkhitsu loungal suangphum dang kuamah in a lem theita kei, huai suangphum Jesu Khrist ahi - 1 Kor. 3:11

Vol. XX. No. 11

PRIVATE CIRCULATION

March 13, 2022

THILPIAK A VUALZAWLNA

Sutzopna...

- Pausuanlian -

Thilpiak Bangchi Piak Ding?

Thilpiak a vualzawlna om ahihdan a tunglam ah I genta. Ei hoihsakdan leh ngaihtuahdan a piak dinga Pathian in ei deihtelna hon pia mah hia? Ei ut dandan a ipiak in vualzawlna kimu ding mah ahidiam? Ahihkei leh vualzawlna Pathian apan imuh theihna dinga piak dingdan honhilh mah hiam chihte toh kisai Pathian in honna lamlakte I ensuk ding. Mihingte'n ei hoihsakdan hilou a thilpiak piak ding dan Lai Siangthou a imuhte bangzah hiam I en ding:

Tupneitak a Piak Ding:

"Michih in it pipi a pelou in, piaklouh theihlouh a ngaihtuah a petuanlou in, a lungtang ua a tup bangzel in pe chiat uhen" (II Korinthte 9:7). A diak in Toupa' Ni thilpiak toh kisai in ngaihtuah khol masa lou a phutkhak dandan leh biakkhawmna mun tung chianga sumbawm a I puakkhak dandan mawk piak ding hilou ahi. Lungtang a ngaihtuah detdet masa a Toupa' Ni hongtung chianga piak ding hizaw ahi (I Korinthte 16:2). Huaiban ah muhkik ding lametna toh piak in bangmah lohtak neilou ahidan mangngilh keini (Luke 6:34).

A Kilawm Hun Piak Ding:

I Korinthte 16:2 ah ni sagih ni masapen a michihin vualzawlna imuh bangzel a koihkhel chiat ding ihihdan imu hi. Huaimah banga eite'n leng nungzui masate' piakdan enton a ipiak ding uh ahi (cf. Nasepte 11:29). Thukhun Lui hunlai in leng hiaidan mah Pathian in ana paipih hi. "Toupa na Pathian un vualzawlna a hon muhsak bangzel in michih in a zoh hun bang in a pe ding ahi" (Diuteronomi 16:17). Vualzawlna imuh toh kituak, kihun a thilpiak ipiak ngeingei ding ahi. Toupa' Ni a thilpiak kia hilou in panpihna toh kisai hileh, thilpiak I piakna munte ah I muhzah toh a kituak zah ngaihtuah a piak ding ahi. I neihlouh tan ah hilou in I neihzah apan ngiat hi (II Korinthte 8:11-12).

Kipaktak a leh Aguk a Piak Ding:

II Korinthte 9:7 ah "...Pathian in kipaktak a pemite a it hi" chih imu. Huaiziakin, thilpiak toh kisai peuhmah ah kipahna toh ipiak ding ahi. Kumpi David hunlai inleng mipite'n Toupa' a ding in kipaktak in thilpiak ana pia uhi (I Kronikulte 29:9). Genthei-haksa leh panpih tuak a om huna piaklouh hial kilawmlou chihziak lel toh it tuntun a piak ding hilou hi. Itchiltak a piak in vualzawlna hontun lou ding ahihdan leng haihlouh ding ahi (Paunakte 11:24-26).

Huaiban ah thilpiak I piak chianga Pharisaite leh mi lepchiahte bang a midangte' phatloh theihna ding lel hiam, midangte' muh sese dia piak louh ding a sinsak ihi. Huchia a guk a ipiak, a guk a mu I Pa uh Van a om in hondin ding ahidan imuthei hi. (Matthai 6:1-4).

Kiphaltak Ieh Utta toh Kipumpiaktak a Piak Ding:

Thukhun Lui hunlai Israelte'n Toupa' ading in kiphaltak leh amau apan utta toh thilpiak pia uh ahihdan kimu hi (Exodus 35:21-22, 29; 36:3). A kiphal luatna ziakun penawnlou phot dinga nget ngai hial uhi (Exodus 36:6). Thilpiak leh sepsakna toh kisai I Toupa Jesu Kris' hon sinsak "kipumpiakna" ahi. Mi'n na puanak lak a tup leh, na puanza leng pia in, mel khat pai dia hon phut leh melnih paisak in. Hon ngen kiangah pia inla, na lak a leitawi nuam kiheisan ken chia sinsak a omte ihi uhi (Matthai 5:40-42). Kumpi David ngei in leng amah apan senna omlou a Pathian kianga thillat lanlou ahihdan imuthei (II Samuel 24:24-25).

Jesu leitunga hongpai lai a meithai khat in a neihsun, a hinna ding tengteng sumkhola/tilpiak bawm a khia ahihdan Jesu'n a gen ngaihtuah ni (Mark 12:41-44; Luke 21:1-2). Masidonia gam a gingtute'n leng a neih sang ua thupizaw a pia uh ahidan I muthei (II Korinthte 8:1-5). Huaimah banga eite'n leng tuhun a a poimoh ziak kia hilou, Pathian hoihna ziak a lungtang apan kiphalna leh utta toh kipumpiaktak a thilpiak I piak ding ahi.

A tawpna ah Pathian in thilpiak a vualzawlna ana koih ahihdan atunglam a I genta. Sum leh pai a hauh vekvukna leh salam a punna kia a vualzawlna gen ahikei a, Pathian a hauhna leh lungkimna, kipahna leh kha lungmuanna gen ahihdan leng haihkei ni. Thilpiak in ei a vualzawlna hontut kia hilou a Pathian kipaksak ahi chih mangngilh kei ni. Huaiziakin, vualzawlna nak tuh thilpiak ah ahi chih theikawmin a tamsem pethei ding leh peding in iki chial thakthak ahi. †††

PLACE OF WORSHIP

Sacred Heart Cathedral,
Yusuf Sadan, Ashoka Road,
Delhi - 110001

Phone No. 9953968807
website : www.cocdelhi.org

**'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'**

Enkaitu : Jamson Guite

BIBLE CLASS**Class**

Adult	: Khenpi, Siamkhanmuan
Inter.	: James & Jamson
Junior	: Ginsuan & Suanlian
Primary	: Minlun & Niangngaihching
Beginner	: Chingkhanlun & Pauliansiam

Teacher

TOUPA NI'
THILPIAK
Date 06.02.2022 ₹ 40,361/-

THOUGHT OF THE WEEK

Kua mi ahia sih ni mel mulou a hing a, Sheol khut a kipan a ahinna humbit diing?
- Sam **89:48**

THU TUAMTUAM**THU TUAMTUAM****Biakna Hunzeek****Toupa' Ni**

Date 13.03.2022

Hun-uk thumna :	Siamkhanmuan
Lapi :	Pausuanlian
Thilpiak :	Tawsianpau
Theihgigena :	Thonggijnlian
Thugen :	Kamkhenthang
Thumna :	Thangbiakmang

PAWTKHETA

▣ Unaunu Khamngaihniang kal paita seppatni in damdawi inn apan ana pawtkheta hi. A nau neihzoh in typhoid a vei ziak in kalkhat val om a, huai nung in a ki-atna ma a natsiat ziak in kal khat dang ombehlai hi. Huai sung in unaupa Jangthangte innkuwan in ann ana pegige uhi. Unaute thilhoih hih ettontak petmah hi. Hihhoih petmah uh.

HONGTUNG

▣ Sepna lam toh kisai a Goa a va zin unaupa Samuel Thangdoulian kal paita sepnawnni in damtak in hongtung hi. Tun Patna lam ah ana zinnawn hi.

▣ Sepna toh kisai a Kolkata a zin unaunu Vungngaihkim leng damtak in hongtung kiknawnta hi.

GUTATE'N GUOKSAK

▣ Unaunu Khamngaihniang damdawi inn a kal nihval a omsung in gutate'n zankal in a mobile phone leh a bag khat ana gukmangsak uhi. Poi mahmah chitchiat.

MEETING OM

▣ Zan kiginni in unaupa Jamson inn ah Saptuam business meeting neih in om. Hiae hun a thu poimoh gen a omte ahihleh youth spring worship toh kisai, Gospel meet toh kisai, Evangelist lakna diing toh kisai a advertisement, Berean Bible Institute of India, Saptuam sum muhna leh zatna chihte ahi-deuh hi. Meeting thupukna pen biak-khawmna mun ah simkhiak hi diing hi.

YOUTH SPRING WORKSHOP

▣ Youth Spring Workshop diing pen tu sintawpni diing hita hi. Holi ni ahihman in office teng suti diing a huai-ziak in tuailaite banah a nupi leh papi hisate leng teltheih diing hi.

HONGZIN UH

▣ Zan kignni in unaupa Liankhoginte nupa unaunu Vungsiam ensak diing in hongzin uhi. Omtadih diing uh.

SPRING WORKSHOP

18 MARCH 2022

Ahun: 11:00 ~ 15:00

Amun: Yusuf Sadan, Ashoka Road,
Gole Market, New Delhi

TOPIC : RAPTURE**HUN DAN KHATNA : 11:00 -12:30**

Hunkem : Kham Minthang

11:00 - 11:05 Welcome Speech :
Kham Minthang

11:05 - 11:10 Thumna :Pausuanlian

11:10 - 11:15 Lasakna :Mungmuani

11:15 - 12:25 Thugenna : L James

12:25 - 12:30 Thumna : Pauliansiam

12:30 - 13:15 LUNCH BREAK (45 Minutes)

HUN DAN NIHNA : 13:15 - 15:00

Hunkem :Lamsuanlung

13:15 - 13:20 Thumna : Gin Samuel

13:20 - 14:30 Thugenna : L James

14:30 - 14:35 Lasakna :Mungsuan

14:35 - 45 Vote of Thanks :Ginsuan

14:45 - 14:50 Lasakna :Pauminlun

14:50 - 14:55 Thumna :Ginlian

THEIHTUAK:

1. Usher ding :Pauminthang, Thangdoulian, Kammuanlal, Tawsianpau - Tutnalep leh tutna mun ding kawkmuh - Ann nekhun a dohkan ana sai ding - Paungaihna bawllem (adjust) leh meivak lampanga enkai ding uh.
- Media coverage saitu Richard in a poimoh huna ASAP phakdia a om ua a kith-uaupih ding uh.

2. Media coverage : Richard Khuptong - YouTube a Live a khakhkiaithehdia pan hon laksak ding leh record bawl ding - Panpih a poimoh hun a kisuanglah het-loua usher te ASAP ding.

3. Tuanvai/Tanuding :Jangthang&Thangbiakmang.
 - Buh leh meh, kuanglehkeu, banah a poimoh omthei peuhmah ana ngaihtuah ding uh.
 - Sa ne theilou aomkhak zenzen leh meh (vegetarian) khat hon bawl beh le uh.

Kiginni

Date 19.03.2022

Hun-uk thumna :	Kammuanlal
Lapi :	Jangminthang
Thugen :	Lamsuanlung
Thumna :	Ginsuan

Toupa' Ni

Date 20.03.2022

Hun-uk thumna :	Kammuanlal
Lapi :	Jangminthang
Thilpiak :	Chinsuanlung
Theihgigena :	Lang James
Thugen :	Jamson
Thumna :	Janglet